



- GRADONAČELNIK -

Broj: 02-14-2950/19

Datum: 13.01.2020.godine

Na osnovu člana 70. stav (1) i člana 87. stav (2) Zakona o javnim nabavkama ("Službeni glasnik BiH", broj: 39/14), člana 7. Statutarne Odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac", broj:1/19) i Zapisnika o pregledu i ocjeni ponuda Komisije za javne nabavke grada Gradačac od 10.01.2020.godine, Gradonačelnik, d o n o s i:

O D L U K U

Član 1.

U cilju odabira najpovoljnijeg ponuđača, u provedenom Konkurentskom zahtjevu za javnu nabavku radova – Izvođenje radova na izgradnji parking prostora u ulici Titova – faza II, evidencijski broj nabavke 02-14-2950/19 od 27.12.2019. godine, obavještenje o nabavci sa Portala javnih nabavki broj: 1400-7-3-79-3-58/19 od 27.12.2019. godine, kao najbolje ocijenjena prihvatljiva ponuda je ponuda ponuđača „BALEGEM“ d.o.o. Gradačac sa cijenom 23.740,50 KM bez PDV-a (slovima: dvadesetsedamhiljadasedamstotinačetdeset 50/100 KM). Ponuđač iz prethodnog stava ovog člana ocijenjen je kao najpovoljniji jer ispunjava uslove postavljene Tenderskom dokumentacijom, obzirom da je u skladu sa kriterijem za dodjelu ugovora (najniža cijena) ponudio najnižu cijenu.

Član 2.

Prijedlog Ugovora o nabavci dostavit će se na potpis izabranom ponuđaču po proteku roka od 10 dana, računajući od dana kada je ponuđač obaviješten o izboru najpovoljnije ponude. Izabrani ponuđač kojem je dodijeljen Ugovor obavezan je dostaviti dokaze o kvalifikaciji ponuđača, odnosno originale ili ovjerene kopije dokumenata u skladu sa Zakonom o javnim nabavkama i Tenderskom dokumentacijom.

Član 3.

Za realizaciju ove Odluke zadužuje se Gradska služba za urbanizam, investicije i komunalne poslove i Gradska služba za privredu, budžet i finansije.

Član 4.

Ova Odluka stupa na snagu danom donošenja, objavit će se na web stranici grada Gradačac www.gradacac.ba, shodno članu 70. stav (6) Zakona o javnim nabavkama, istovremeno s upućivanjem ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Odlukom broj: 02-14-2950/19 od 27.12.2019.godine pokrenut je Konkurentski zahtjev za javnu nabavku radova – Izvođenje radova na izgradnji parking prostora u ulici Titova – faza II. Dana 27.12.2019. godine pod brojem 1400-7-3-79-3-58/19 objavljena je javna nabavka na Portalu javnih nabavki.

Do ostavljenog roka ponudu je dostavio sljedeći ponuđač:

1. „BALEGEM“ d.o.o. Gradačac cijena 23.740,50 KM bez PDV-a

Komisija za javne nabavke je pregledala pristiglu ponudu i utvrdila da je ponuđač kvalifikovan, tj. ponuda je prihvatljiva.

Shodno članu 98. stav (5) Zakona o javnim nabavkama ugovor će biti potpisan u roku od 10 dana od dana obavještanja učesnika u postupku.

Obzirom na navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH, putem Ugovornog organa, u roku od deset (10) dana od dana prijema ove odluke i to u pisanoj formi i u dovoljnom broju primjeraka, a koji ne može biti manji od tri.

DOSTAVLJENO:

1. Ponuđaču;
2. Evidenciji;
3. a/a

